



UNIVERSITÄTS-  
BIBLIOTHEK  
PADERBORN

**Henrici Canisi[i] Noviomagi, Belgæ, Jn Academia  
Ingolstadiensi SS. Canonum Profess. Ordinarii & Primarii,  
Opera Quæ De Ivre Canonico Reliqvit**

**Canisius, Heinrich**

**Coloniae Agrippinae, 1662**

In Cap. Gaudemus 8.

---

[urn:nbn:de:hbz:466:1-62169](#)

## In Cap. Gaudemus 8.

## SUMMARI A.

1. Infidelium altero converso matrimonium intra gradum prohibitum ante contractum non dissolvitur.
2. Matrimonium infidelium an Sacramentum?
3. Quid juris in pagano plures uxores habente converso.

**H**oc Cap. consultus S. Pontif. utrum pagani, id est, infideles uxores accipientes, in secundo, tertio, vel quarto consanguinitatis gradu, debeat post conversionem suam ad fidem Christianam simul remanere, vel a se mutuo separari? Rescribit eos minimè à se invicem separari oportere, cùm non minus inter infideles, quam fideles Sacramentum conjugii existat. Quod comprobat auctoritate D. Pauli, 1. ad Corin. 7, ubi his verbis inquit: Si quis frater infidem habet uxorem, & hac consensit habitare cum eo, non illam dimittat.

Ratio vero dubitandierat, quod prohibitus sit matrimonium inter consanguineos intra quartum consanguinitatis gradum, cap. Non debet sup. De consang. & affin. Unde cùm devenerit matrimonium infidelium in eum casum, à quo incipere non potuit, videbarur tale matrimonium ipso jure dirimi, arg. §. item contra Insit. De inutile. stipul. Cui occurrit hic Summus Pont. quod, cùm infideles non subjiciantur Canonicis constitutionibus, juxta illud D. Pauli, Quid enim ad nos, qua foris sunt judicare? rectè contrahant matrimonium in secundo, tertio, vel quarto consanguinitatis gradu, quorum prohibito à jure Ecclesiastico introducta fuit, d.c. Non debet. Neque matrimonium propter subsequentem baptismum dimittitur, cùm per baptismum non tollatur coniugia semel legitime contracta, sed crimina di-

mittantur. text. hic in verb. cùm per Sacramentum Baptismi, &c. Cujus quoque meminimus ad c. 4, sup. De consang. & affin. Nec obstat, quod jam in eum casum matrimonium devenerit, à quo incipere non potuit; quia id locum non habet in matrimonio, propter favorem fidei Christianæ, per hoc text.

Cæterum quod dicit textus noster, Sacramentum conjugii tam apud infideles, quam fideles existere, accipendum est quoad contractum matrimonii, qui non minus celebratur inter infideles; sed nequam uti Sacramentum, eo quod Baptismo careant, qui est aliorum Sacramentorum fundamentum & janua, c. 2, De cognat. spirit. lib. 6, & can. Cum itaque in fine de consecr. dist. 4.

Quia nonnunquam pagani plures simul uxores habent, quid in his juris sit, si ad Christianam fidem convertantur, decidit hic similiter S. Pontif. quod scilicet primæ uxori, aliis dimissis, adhære cogantur. Cujus rationem hanc reddit, quod scilicet ab initio, id est, in paradiſo una consta in unam faminam conversa sit, non verò in plures: & Scriptura divina testetur, quod propter hoc relinet homo patrem & matrem, & adhærebit uxori suæ, & erunt duo in carne una, nullâ mentione factâ plurimum uxorum, ut videre est Genes. c. 2, & Matth. 19. Quod præceptum divinum non minus ad infideles, quam ad fideles pertinet, sicut constat ex d. 19, in pr. Exceptis tamen iis, quibus divinâ revelatione concessum erat, ut simul plures uxores habere potuerint, sicut constat in Abraham, Jacobo, aliisque Patriarchis veteris Testamenti, text. hic in versic. nec illi umquam. Quod cùm singulariter fuerit, & ex divina dispensatione contigerit, non est ab aliis in consequentiam trahendum, c. Quia à jure communi De R. I. lib. 6.

## In Cap. ultimum.

**I**n hoc Cap. prohibetur matrimonium cum diaueda fratris sui defuncti, quia est ipsi in primo affinitatis gradu, nisi cum summi Pont. dispensatione, quemadmodum hic dispensat cum

Livonibus ad fidem Christianam conversis. De qua dispensatione fuisse me egimus ad cap. 3, sup. De consang. & affin. state.

Ggg 3

IN TIT.